

**JAMHURI YA MUUNGANO WA TANZANIA
WIZARA YA ELIMU, SAYANSI NA TEKNOLOJIA**

Simu:027-2553066
Nukushi: 027 - 2553245.
Barua pepe: patanditc@gmail.com



Patandi Chuo Cha Ualimu
S.L.P 66,
Duluti,
Arusha

Tovuti: <http://www.patanditc.ac.tz>.

**MAELEKEZO KWA WANACHUO WALIOCHAGULIWA KUJIUNGA NA MAFUNZO
YA UALIMU WA ELIMU MAALUMU NGAZI YA ASTASHAHADA / STASHAHADA
2022/2023**

1. UTANGULIZI.

Ninafurahi kukutaarifu kuwa umechaguliwa kujiunga na Mafunzo ya Ualimu Elimu Maalumu ngazi ya **Astashahada/Stashahada mwaka wa masomo 2022/2023**. Nakupongeza kwa kuchaguliwa kwako. Karibu sana. **unatakiwa kuripoti Chuoni kuanzia tarehe 13.06.2022 hadi tarehe 30.06.2022. Kuchelewa kufika chuoni kutasababisha kupoteza nafasi yako ya kujiunga na chuo hiki.**

Mahali chuo kilipo. Chuo cha Ualimu Patandi kipo Kilomita **11.5** kutoka Arusha mjini katika eneo la Tengeru, kijiji cha Patandi kando kando ya Mlima Meru katika barabara kuu ya Arusha-Moshi-Dar-es-Salaam. Popote utakapotokea omba kushushwa katika kituo cha mabasi cha Tengeru ambapo utaona ukuta wa chuo. Geti la chuo lipo umbali wa mita 100 toka kituo cha magari

Dira ya Chuo

Kuwa bora zaidi katika elimu jumuishi (To be the center of Excellency in inclusive education).

Moto wa chuo

Elimu kwa Wote (Education for all).

2. MAHITAJI KWA AJILI YA USAJILI

a) MWALIMU TARAJALI (PRE-SERVICE)

Ili kuthibitisha kwamba wewe ndiye uliyechaguliwa kwa Mafunzo ya Ualimu Elimu Maalumu, lazima uje na vitu vifuatavyo:-

- i. Cheti halisi (Original Certificate na *kopi* zake 02) cha kufuzu mtihani wako wa Kidato cha Nne.
- ii. Kama wewe umehitimu Kidato cha Sita, ulete vyeti vyote vya Kidato cha Nne na Sita.
- iii. Nakala ya fomu ya kuitwa chuoni ('print'fomu/joining insruction hii)
- iv. Fomu ya kuthibitisha hali ya afya yako iliyojazwa taarifa za ukweli na Daktari wa Hospitali ya Serikali (Wilaya/Mkoa). (**Fomu imeambatanishwa**).
- v. Cheti cha kuzaliwa (nakala 02 za vivuli vyake)
- vi. Unatakiwa kuja na kadi ya bima ya afya (NHIF) kutokana na umuhimu wake wa kurahisisha matibabu yako

b) MWALIMU KAZINI

Ili kuthibitisha kwamba wewe ndiye uliyechaguliwa kwa Mafunzo ya Ualimu Elimu Maalumu, lazima uje na vitu vifuatavyo:-

- i. Kitambulisho chako cha Kazi.
- ii. Barua kutoka kwa Mwajiri ya kukuruhusu kuja kusoma (Release Letter original na *kopi* 02)
- iii. Cheti cha Ualimu (original Certificate na copy zake 02).
- iv. Kama ulirudia mitihani ya baraza uwasilishe vyeti hivyo wakati unapojisajili.
- v. Nakala ya fomu ya kuitwa chuoni ('print'fomu/joining insruction hii)
- vi. Fomu ya kuthibitisha hali ya afya yako iliyojazwa taarifa za ukweli na Daktari wa Hospitali ya Serikali (Wilaya/Mkoa). (**Fomu imeambatanishwa**).
- vii. Cheti cha kuzaliwa (nakala 02 za vivuli vyake).
- viii. Unatakiwa kuja na kadi ya bima ya afya (NHIF) kutokana na umuhimu wake wa kurahisisha matibabu yako

TANBIHI:

- i. Mara ufikapo chuoni ripoti katika Ofisi ya Msajili/Mhasibu/Mwadili wa wanachuo kabla hujaenda mahali popote ukiwa na mahitaji yote yaliyoorodheshwa hapo juu.
- ii. Hutasajiliwa bila kuonesha vifaa hivyo hapo juu.

B. ADA.

Ada ya Mafunzo kwa mwaka mmoja ni TShs. 450,000/= tu. Fedha hiyo inaweza kulipwa kwa mkupuo mmoja, au nusu yake kila mwanzo wa muhula. Malipo ya fedha ya ada yanafanyika kwa njia ya mfumo wa kieletroniki wa kiserikali *Government electronic Payment Getway (GePG)*, hivyo unashauriwa kufanya mawasiliano na Mhasibu wa chuo ili akupatie **control number**. Aidha kwa maelekezo zaidi, unaweza kufanya mawasiliano na mhasibu wa chuo kwa namba za simu hizi: **0754 269121/0734093881**

C: MICHANGO MBALIMBALI

Unatakiwa kulipia benki michango ifuatayo kama ilivyooneshwa kwenye jedwali hapo chini, na hivyo kukabidhi stakabadhi ya malipo ya benki (pay-in-slip) mara unaporipoti chuoni;

S.NA	MCHANGO	KIASI	MAONI
1	Serikali ya Wanachuo	5,000/=	Kwa mwaka
2	Huduma ya kwanza	10,000/=	Kwa mwaka
3	Usafi na mazingira	20,000/=	Kwa mwaka
4	Usajili na kitambulisho	20,000/=	Kwa mwaka wa kwanza tu.
5	Michezo	30,000/=	Kwa mwaka
6	Ulinzi	30,000/=	Kwa mwaka
7	Kukodisha godoro	10,000/=	Kwa mwaka
8	Bima ya Afya	50,400/=	Kwa mwaka kwa asiye na bima
9	Ukarabati	25,000/=	Kwa mwaka
	Jumla ya michango yote	200,400/=	

Fedha zote za michango zilipwe kwenye akaunti ya chuo Na. 014103007311, jina la akaunti ni PATANDI TEACHERS' COLLEGE iliyoko katika benki ya NBC (National Bank of Commerce).

MUHIMU

- Uje na Tsh, 15,000/= tu kwa ajili ya Tisheti.
- Kila mwaka chuo hufanya mahafali ya kuwaaga wanaohitimu ambapo kila mwanachuo anatakiwa kuchangia Shilingi 10,000/= tu.

D. SARE YA CHUO

Nguo fupi na za kubana **haziruhusiwi**.

KWA WAVULANA/WANAUME

- i. Shati la mikono mirefu rangi ya maji ya bahari (light blue). Ni vema ukanunua mashati aina ya **tomato light blue** ili kuepuka utofauti wa muonekano wa rangi. Kama utashindwa kuipata huko, njoo ununue kwenye maduka ya huku Arusha/chuo.
- ii. Suti nyeusi (Suruali zenye upana wa kutosha na koti zenye kitambaa cha kufanana), tai nyeusi na soksi nyeusi. Uje na sweta jeusi lenye kola ya V kwa ajili ya kujikinga na baridi.
- iii. Viatu vyeusi vya ngozi (viwe vya kufunika miguu. NB: Viatu aina ya buti haviruhusiwi).
- iv. Nguo za michezo T/shirt na bukta (rangi ya bluu), trucksuit rangi ya bluunyeusi (darkblue) na raba.


TANBIHI: suruali iliyoshonwa kwa mtindo wa 'modo' haitaruhusiwa kuvaliwa chuoni.

KWA WASICHANA/WANAWAKE


- i. Shati la mikono mirefu rangi ya maji ya bahari (light blue). Ni vema ukanunua mashati aina ya tomato light blue ili kuepuka utofauti wa muonekano wa rangi. Kama utashindwa kuipata huko uliko, njoo ununue kwenye maduka ya huku Arusha/chuo.
- ii. Suti nyeusi (sketi mshono wa box/Λ shape na koti zenye kitambaa cha kufanana), tai nyeusi na soksi nyeusi. Uje na sweta jeusi lenye kola ya V kwa ajili ya kujikinga na baridi.
- iii. Viatu vyeusi vya ngozi (viwe vya kufunika miguu) na vyenye kisigino kifupi.
- iv. Nguo za michezo T/shirt rangi ya bluu), trucksuit rangi ya bluunyeusi (darkblue) na raba.

TANBIHI: kwa mtindo wa mashono ya suruali kwa wavulana na sketi kwa wasichana, angalia kiambatisho cha ushonaji wa sare hapo chini;


PICHA 1: SKETI



MFANO WA RANGI YA SHATI



PICHA 2: SURUALI



SARE KWA AJILI YA WANACHUO WA KIISLAMU.

- i. Kwa wanachuo wa Kiislamu wanaruhusiwa kushona Hijab. Blauz inatakiwa ipite magoti na iwe pana (short kanzu) yenye rangi ya light blue (blue bahari). Kama utashindwa kupata aina ya rangi hiyo huko (tomato light blue) ni vema uje kununua kwenye maduka ya huku Arusha ili kuepuka utofauti wa muonekano wa rangi.
- ii. Suruali nyeusi pana.
- iii. Kitambaa cha kichwani kinapaswa kuwa cha rangi ya light blue aina ya tomato light blue

3. MAVAZI MENGINE MUHIMU

Mavazi unayotakiwa kuja nayo hapa chuoni ni yale ya heshima, yenye kuonyesha maadili ya Ualimu. Mavazi hayo yatakuwa yanawaliwa mara baada ya ratiba ya masomo darasani siku za mwisho wa juma na mapumziko ya sikukuu. **ANGALIZO:** Kandambili ni marufuku kuvaliwa bwaloni, ofisini, darasani na kwenye mikutano yote ya Chuo. Aidha ukikutwa vitu vilivyokatazwa hapo juu hautarudishiwa na adhabu kali zitatolewa.

4. MAHITAJI MUHIMU KWA AJILI YA MALAZI NA CHAKULA

Ili kufanikisha masomo yako na maisha yako kwa ujumla unapokuwa hapa, vifaa vifuatavyo ni vya lazima: -

- i. Blanketi 1 na chandarua cha mbu rangi nyeupe pembe nne kwani eneo hili lina mbu wengi na baridi kali.
- ii. Shuka jozi mbili rangi ya bluu bahari.
- iii. Mto na foronya mbili za bluu bahari.
- iv. Sahani, bakuli, kikombe, (**Visiwe vya plastiki**) na kijiko kwa ajili ya chakula.
- v. Koti la mvua au mwamvuli.
- vi. Gum boots.
- vii. Ndoo za maji mbili (moja ya usafi na nyingine ya maji ya kunywa)

5. MAHITAJI YA LAZIMA KWA AJILI YA TAALUMA.

- i. Daftari zisizopungua 10 (3 quire) na vifaa vya kuandikia.
- ii. Rimu mbili kwa mwaka kwa ajili karatasi za kutolea vivuli (photocopy) ukubwa wa A4. Aina ya karatasi iwe mojawapo kati ya hizi zifuatazo: **Nopa Top; Golden Star; Rotatrim; Logic 700** au aina nyingineyo ili mradi ni ya kutolea photocopy. {*Tafadhali usilete "Duplicating au Typing Papers"*}. Rim itahitajika kila muhula wa masomo.
- iii. Kila muhula, utatakiwa kuandaa zana za kufundishia ambazo zitakaguliwa na kupewa alama kama sehemu ya kozi yako.
- iv. Kukamilika kwa kozi yako ni pamoja na kufanya Utafiti. Kazi hiyo **sharti** ikamilike na ikabidhiwe kwa Mkufunzi atakayekuwa anakusimamia kabla ya mtihani wa mwisho.

6. MAAGIZO MUHIMU KWA AJILI YA AFYA YA MWANACHUO

- i. Chuo hakina zahanati. Matibabu yote yatafanyika kwenye Hospitali ya Wilaya iliyoko umbali wa mita 500 kutoka Chuoni.
- ii. Unatakiwa kujiandalia akiba ya fedha kwa ajili ya matibabu pindi utakapoumwa. Hata hivyo, ili kuepuka matatizo na usumbufu, **mzazi unaelekezwa na unasisitizwa kumkatia bima ya afya mwanao, au kumpatia fedha ya kukatia kadi ya bima ya afya mara atakapofika chuoni. Kadi ya bima ya afya ya NHIF ni shilingi 50,400/= tu. (Ni lazima kila mwanchuo kuwa na bima ya afya ya NHIF wakati wote akiwa masomoni).**

iii. Chuo **hakitoi** chakula maalumu (**special diet**). Iwapo una matatizo ya chakula ni vema ujiandalie fedha za kutosha kwa ajili hiyo

NB: Matatizo ya kiafya yasiyoelezwa katika Fomu ya matibabu, chuo hakitashughulikia changamoto zitokanazo na matatizo hayo. Hivyo unatakiwa kuwa mkweli. Aidha FOMU kwa ajili ya kupima afya imeonyeshwa katika (**KIAMBATISHO NA.1**)

7. MAWASILIANO

- i. Taarifa zote muhimu kama maafa au msiba toka nyumbani zipitie kwa Mkuu wa Chuo na si kwa mwanachuo moja kwa moja.
- ii. Unatakiwa kuwaelekeza ndugu zako kutoa taarifa kwa uongozi wa Chuo kuhusiana na tatizo la nyumbani na siyo kukutaarifu WEWE moja kwa moja. Barua zote za kuitwa au kualikwa kwenye vikao mbalimbali hazina budi zipitie kwa Mkuu wa Chuo.

NB: Taarifa itakayoletwa na mwanachuo haitasikilizwa.

8. MENGINEYO.

- i. Kila mwanachuo anatazamiwa awe na mwenendo wa kiuwalimu na tabia nzuri wakati wote wa kozi yake.
- ii. Kwa mujibu wa sheria, kanuni na taratibu za vyuo vya Ualimu mwanachuo, atalazimika kulala ndani ya Chuo na si Vinginevyo.
- iii. Unatakiwa kushiriki kikamilifu katika Shughuli zote zinazoendeshwa Chuoni Hapa.
- iv. Hereni, vidani, uwekaji wa madawa kwenye nywele (Relaxer, curl), kuvaa nywele za bandia (wig), kupaka wanja, kupaka rangi midomo na kucha, kunyoa kipara/nywele ndefu au panki na kufuga ndevu na kuvaa nguo fupi haviruhusiwi wakati wowote uwapo chuoni hapa.
- v. Kipindi chote cha mafunzo mwanachuo wa kike haruhusiwi kubeba ujauzito.

9. NGUZO/KANUNI NA TARATIBU ZA MWENENDO BORA CHUONI

- i. Nidhamu inapewa kipaumbele katika kufanikisha taaluma na maadili bora ya kiuwalimu, hivyo unatarajiwa kuzingatia kanuni hizo ili uweze kuwa mwalimu uliye bora.
- ii. Nguzo za Chuo zimeambatishwa; unatakiwa uzisome na kuzielewa. Iwapo unaona zitakuwika vingumu kuzifuata, ni heri ukate shauri kutokuja. Utakapofika Chuoni, utapewa maelekezo maalumu kuhusu Nguzo-Adili hizo.

MWISHO: Kwa maelezo zaidi tafadhali wasiliana na watu wafuatao kwa namba zifuatazo;

Simu ya Mkuu wa Chuo 0767-275920 / 0716-767380

Simu ya Msajili 0689 517171/ 0752355526

Simu ya Mtaaluma 0755-640517/0624-130402

Chuo kinakukaribisha sana Patandi, pamoja na kukutakia safari njema ya kufika hapa chuoni.

Pia fomu hii inapatikana kwenye tovuti ya Wizara ya Elimu Sayansi na teknolojia: <http://www.moe.go.tz>



Lucian Segesela
MKUU WA CHUO

MKUU WA CHUO
CHUO CHA UALIMU PATANDI

GOVERNMENT OF TANZANIA
REQUEST FOR MEDICAL EXAMINATION

PART A:

From: Principal,
Patandi Teachers' College.
P. O. Box 66,
DULUTI.

TO: The Medical Officer

.....
.....
.....

Name of student teacher

.....

Please examine the above named as to his/her physical and mental fitness for a full-time teacher's course.

- A:1. (a) sickle cell
- (b) Diabetes
- (c) Venereal Diseases
- (d) Leprosy
- (e) Limbs
- (f) Epilepsy
- 2. Neuroses
- 3. Other serious diseases.

B: Blood Group

Date:

Signature.....

Official Stamp

PART B:

MEDICAL CERTIFICATE.

(To be completed by Government Medical Officer)

I have examined the above named student that he/she is physically fit/unfit and mentally *fit/unfit for a full time teacher Education course.

- (a) sickle cell.....
- (b) Diabetes
- (c) Limbs.....
- (d) Speech.....
- (e) Leprosy.....
- (f) Neuroses.....
- (g) Other serious diseases.....
- (h) Pregnancy.....

Date.....Signature.....

Official Stamp

KIAMBATANISHO NA 2

WIZARA YA ELIMU SAYANSI NA TEKNOLOJIA CHUO CHA UALIMU ELIMU MAALUMU PATANDI SHERIA ZA CHUO

Sheria hizi ni mwongozo wa namna ya kuishi na kuenenda kwa wanachuo wote wa chuo cha Ualimu Elimu maalumu Patandi wawapo chuoni na nje ya Chuo. Hivyo ni lazima kwa mujibu washeira ya Chuo kila mwanachuo kupata nakala ya sheria za Chuo. Aidha, mwanachuo anapaswa kuweka sahihi na kurudisha nakala ya sheria iliyosainiwa kwa Mwadili wa Wanachuo ili kuhifadhiwa kwenye kumbukumbu zake.

1. **Ruhusa kwa wanachuo:** -

- i. Ruhusa za siku kwa mwanachuo yeyote zitolewa na mkufunzi wa zamu kwa kibali cha maandishi,
- ii. Ruhusa zote za kwenda kulala nje ya chuo zitolewa na Mkuu wa Chuo kupitia Ofisi ya Uadili. Hivyo, ni marufuku kwa mwanachuo kujiamulia kuondoka chuoni kwa muda mfupi au mrefu pasipo ruhusa/ kibali cha maandishi. Kulala nje ya chuo bila ya kibali itapelekea mwanachuo kuchukuliwa hatua za kinidhamu ikiwemo kusimamishwa mafunzo au kuachishwa mafunzo.
- iii. Ruhusa ya jumla kwa wanachuo kwa siku ya Jumamosi (kwa wanachuo wasio wa dhehebu la Sabato) na sikukuu zisizo za kidini zitolewa kuanzia saa 4:00 asubuhi mpaka 10:45 jioni. Kwa siku ya Jumapili wanachuo (wa dini ya Kikristo) wanatakiwa kwenda ibadani na wanachuo wote wanatakiwa kuwa wamerudi chuoni saa 8.00 mchana.
- iv. Ni lazima kila mwanachuo kuwahi rollcall (mwitiko wa pamoja) kila Jumamosi, Jumapili na siku za sikukuu saa 11:00 jioni.
- v. Mwanachuo yeyote atakayekutwa katika mazingira ya Chuo bila kibali cha maandishi juu ya uwepo wake kutoka uongozi wa Chuo wakati angali akitumikia adhabu ya kusimamishwa Chuo kwa muda ikiwa haijakoma atakuwa ametenda kosa.

2. **Ulevi:** -

- i. Hairusiwi Mwanachuo kutumia kilevi cha aina yoyote kama vile bangi, madawa ya kulevya, mirungi, sigara, kuberi, ugoro, shisha ndani na nje ya chuo.
- ii. Pia marufuku kwa mwanachuo kuonekana amelewa. Aidha ni kosa kwa mwanachuo kunywa au kupeleka pombe aina yeyote ya ile ya kileo bwenini au darasani na maeneo yote ndani ya chuo.

iii. Ni marufuku kwa mwanachuo awapo nje ya chuo kuonekana katika nyumba za wageni au maeneo starehe ikiwemo bar, vilabu vya pombe madanguro nk.
Mwanachuo atayebainika kutenda makosa haya atachukuliwa hatua za kinidhamu ikiwemo kusimamishwa mafunzo au kuachishwa mafunzo au kupelekwa kwenye vyombo vya Dola.

3. **Umiliki Wa Silaha:-**

- i. Ni kosa kwa mwanachuo yeyote kumiliki silaha au kushikilia zana ya kivita au kutumia kifaa chochote tofauti na matumizi yake na kupelekea kuhatarisha amani ya wanajamii. Iwapo mwanachuo atakutwa na kosa hilo atachukuliwa hatua stahiki za kinidhamu kwa mujibu wa taratibu na sheria zilizopo ikiwemo kupelekwa kwenye vyombo vya Dola.
- ii. Mwanachuo atakaefanya vitendo vitakavyopelekea kushambulia, kujeruhi na kumduru mtu yeyote, au yeye mwenyewe kujidhuru katika mazingira ya Chuo, mwanachuo huyo atachukuliwa hatua za kinidhamu / kisheria kadiri yake.

4. **Usafi, Afya na Mavazi: e).**

- i. Wakati wote ndani na nje ya Chuo mwanachuo anatakiwa kuvaa mavazi yenye nidhamu, safi kulingana na yenye haiba ya kiualimu kulingana na mwongozo wa mavazi.
- ii. Sare ya chuo itavaliwa wakati wote wa vipindi au mwanachuo anapotoka nje ya chuo. Mavazi mengine yaliyokubaliwa chuoni (mfano T-shirts, trucksuit na nguo za michezo zingine) yatawaliwa kwa mujibu wa ratiba na mwongozo wa chuo uliopo.
- iii. Hairuhusiwi kwa mwanachuo kuvaa kaptula, malapa, nguo za mipasuo inayovuka magoti, sketi fupi kuvuka magoti, suruali za kubana (modal), kuvaa mlegezo na kofia pamoja na nguo zozote zisizofaa kwa wanachuo wa kiume na kike kadiri yake.
- iv. Ni marufuku kwa mwanachuo kuwa na nywele zisizo punguzwa (ndefu) au zisizo tunzwa vizuri. Mwanachuo pia haruhusiwi kuacha kucha ndefu na zilizowekwa rangi, kufuga ndevu, kunyoa panki kadiri yake. Mwanachuo anatakiwa kutunza meno yake vizuri. Wasichana wanaruhusiwa kusuka nywele zao, lakini hawaruhusiwi kutumia kemikali katika nywele na Ngozi au kubadilisha rangi nywele pamoja na kusuka nywele za rangi au rasta.
- v. Ni marufuku kwa mwanachuo kupeleka chakula bwenini. Chakula chote kitaliwa bwaloni au canteen, isipokuwa kwa idhini maalum kutoka ofisi ya uadili.
Mwanachuo atakayebainika kuwa na makosa hayo atachukuliwa hatua stahiki za kinidhamu. **Tanbii:** Chuo hakina chakula maalum.
- vi. Mwanachuo haruhusiwi kutoa mimba, kushawishi au kumsaidia mwanachuo mwingine kutoa mimba. Mwanachuo atakayebainika kufanya kitendo hicho, atachukuliwa hatua stahiki za kinidhamu na kisheria.

5. Masuala ya Usawa wa Kijinsia na Ujumuishi (UKU);

Unyanyasaji wa kijinsia au wa kimaumbile na ubaguzi wa aina yoyote haukubaliki chuoni. Vitendo hivyo ni kama;

- i. Kumlazimisha mtu kwa kumtaka kimapenzi kwa kutumia maneno, ishara, picha au vitisho vyenye maudhui ya kimapenzi au kufanya vitendo, au kutumia lugha inayomsababishia mtu mwingine kukosa amani ama kushindwa kuendelea na masomo/kazi yake au kujisikia vibaya kutokana na hali yake na maumbile yake.
- ii. Hairuhusiwi kwa mwanachuo kuandika au kuchora picha zinazoashiria matusi, kejeli au udhalilishaji wa mtu mwingine yeyote ndani na nje ya Chuo. kwa njia yeyote ile.

Kwa mwanachuo au mtu yeyote atayepatikana na kuthibitika kuhusika na vitendo vya aina hiyo, atachukuliwa hatua stahiki kwamujibu wa kanuni, sheria na taratibu na miongozo iliyopo.

6. Ulinzi Na Usalama na matumizi ya miundombinu ya chuo;

- i. Kila mwanachuo ni lazima kuwa mlinzi wa mali zake, za wenzake na za umma.
- ii. Mwanachuo akipoteza, na kuharibu mali ya chuo au ya mtu mwingine, atachukuliwa hatua za kinidhamu/sheria ikiwa ni Pamoja na kulipa gharama za mali husika.
- iii. Wizi wa mali ya mwingine au mali ya umma itapelekea mwanachuo kuchukuliwa hatua za kinidhamu/sheria ikiwemo kusimamishwa mafunzo au kuachishwa mafunzo Pamoja na kurejesha kitu hicho au gharama yake.
- iv. Nikosa kwa mwanachuo kufanya vitendo vinavyohatarisha usalama au kuleta hasara kwa watu au chuo, kwamwanachuo atakaye tenda kosa hilo hatua za kinidhamu zitachukuliwa dhidi yake ikiwemo kusimamishwa masomo.
- v. Mwanachuo anapaswa kujiepusha na vitendo vya utapeli na kujipatia mali au manufaa mengine kwa njia ya ulaghai, na isiyohalali. Akibainika kufanya hivyo, hatua za kinidhamu na kisheria zitachukuliwa dhidi yake ikiwemo kusimamishwa au kuachishwa mafunzo.
- vi. Hairuhusiwi kuhamisha samani za chuo, (viti na meza) kutoka sehemu moja kwenda sehemu nyingine bila ya kibali kutoka mfanyakazi husika.
- vii. Ni marufuku kwa mwanachuo kuandika maandishi ovyo ovyo katika majengo au katika vifaa mbalimbali. Kwa mwanachuo atakayetenda kosa atachukuliwa hatua stahiki za kinidhamu.
- viii. Ni kosa kufanya matumizi mabaya na hatarishi ya umeme katika chuo cha Ualimu Patandi. Matumizi hayo ni kama vile, kuunganisha nyaya za umeme kinyume na mfumo uliowekwa katika jengo husika, matumizi ya mishumaa, chemli , na jiko la umeme/gesi, heater, au birika za umeme. Mwanachuo

atakayebainika na makosa haya atachukuliwa hatua za kinidhamu Pamoja kunyanganywa vifaa hivyo na kulipa gharama za hasara itakayopatikana. *mwanachuo atakayetenda kosa hili atawajibika kwa hatua za kinidhamu .*

7. Mahusiano ya kimapenzi, Ubakaji, Ulawiti Na Usagaji

- i. Ubakaji, ulawiti na usagaji haviruhusiwi katika chuo na mahali, Pengine popote ndani na nje ya chuo. Mwanachuo atakayebainika kujihusisha na vitendo hivyo, atachukuliwa hatua stahiki za kinidhamu ikiwemo kusimamishwa, mafunzo, kuachishwa mafunzo au kupelekwa kwenye vyombo vya dola kadiri yake.
- ii. Nikosa kwa mwanachuo kuonyesha kwa njia yeyote ile kujihusisha na vitendo vya umalaya, uzinzi na uasherati, au kuonekana kuishi kama mtu na mpenzi wake katika Maisha yake hapa chuoni.
- iii. Mwanachuo haruhusiwi kuo au kuolewa awapo chuoni katika kipindi chote cha mafunzo
- iv. Mwanachuo haruhusiwi kuwa mjamzito au kumpa ujauzito mwanachuo mwenzake wakati wote wa kipindi cha mafunzo.

Mwanachuo atakayebainika kujihusisha na vitendo hivyo hapo juu (ii, iii na iv), atachukuliwa hatua stahiki za kinidhamu Pamoja na kupewa ushauri mbadala kadiri yake.

8. Heshima Na Utii,

- i. Kila mwanachuo ajiheshimu kwa kuweka mwili wake na mavazi yake katika hali ya usafi na heshima.
- ii. Awe na lugha yenye hadhi ya ualimu na matendo yake yawe yanakuza heshima ya ualimu.
- iii. Kila mwanachuo awe na utii kwa viongozi wa serikali ya wanachuo, walezi wake, Uongozi wa Chuo na mamlaka zingine ndani ya Jamhuri ya Tanzania.
- iv. Ni kosa kwa mwanachuo kutotekeleza adhabu au maelekezo aliyopewa na walezi au mamlaka ya chuo.
- v. Kila mwanachuo napaswa kuwa mtiifu kwa kengele au ishara yeyote itakayomuhitaji kufika mahali panapo takiwa.
- vi. Nimarufuku kwa mwanachuo wa kike au wakiume kutembelea bweni la jinsi nyingine bila ruhusa au kibali maalumu kutoka kwa mkufunzi wa zamu, mwadili, matroni na patroni.
- vii. Kila mwanachuo anapaswa kuwa na mazoea ya kusalimia, kusimama kwa heshima pale anapopita mkubwa na kupokea mzigo kwa mkubwa wake, viongozi na walezi.
- viii. Mwanachuo hapaswi kuwa na matumizi ya lugha ya matusi, kejeli au kutishia zinazofanywa na mwanachuo dhidi ya wanachuo wenzake, walezi wake au mtu yeyote wa ndani au nje ya chuo.

Mwanachuo atayebainika na kutozingatia vitendo vinavyoonesha heshima na utii atachukuliwa hatua za kinidhamu.

9. Uchochezi

- i. Mwanachuo hairuhusiwi kushiriki au kuchochea, kushawishi, migomo ya aina yoyote au maandamano waakati wowote awapo chuoni.
- ii. Wakati wote mwanachuo atatakiwa kutumia busara na hekima katika kutatua changamoto au migogoro chuoni na mahali pengine pote. Hii ni Pamoja na Mwanachuo kutumia vikao halali na vyombo / mifumo ya mawasiliano iliyowekwa chuoni kuwasilisha na kutatua changamoto zake.

Mwanachuo atakayebainika kujihusisha na vitendo vya na. i na ii hapo juu, atachukuliwa hataua kali za kinidhamu ikiwemo kusimamishwa mafunzo au kuachishwa mafunzo.

10. Mikutano Na Mawasiliano

- i. Mwanachuo anapaswa kuhudhuria mikutano yote iliyopangwa na chuo.
- ii. Mikutano mingine yoyote ya wanachuo chuoni, lazima wahasika waifahamishwe Ofisi ya Uadili kabla ya kufanyika. Tafrija, video, disko, mikutano ya dini, vikao vya serikali ya wanachuo nk vinaingia katika fungu hili. Siruhusa kuitisha mkutano bila kibali.
- iii. Taarifa zinazomhusu mwanachuo kutoka nyumbani kwao mfano zinazohusu msiba, ugonjwa nk. Ni lazima zipitie kwa Mkuu wa Chuo ikiwemo Ofisi ya Uadili au Makamu Mkuu wa Chuo.
- iv. Mwanachuo atapaswa kueleza Habari kweli pale atakapotakiwa na mamlaka ya chuo kufanya hivyo. Nikosa kwa mwanachuo kutoa taarifa za uongo au kuficha siri ya kutendeka kwa kosa au uharifu wowote, ikidhihirika hatua za kinidhamu zitachukuliwa dhidi wa mwanachuo huyo.
- iii. wasemaji wa mambo ya wanachuo kwa uongozi wa chuo ni serikali ya wanachuo.
- iv. Ni kosa kwa mwanachuo yeyote kutoa taarifa za chuo kwa mtu yeyote au kupeleka taarifa za chuo kwenye vyombo vya Habari ikiwemo mitandao ya kijamii (radio, TV, magazeti nk) bila kibali cha Mkuu wa Chuo. Ikumbukwe kuwa msemaji wa chuo kuhusu masuala mbliambli yahiusuyo chuo ni Mkuu wa Chuo. Hatua za kinidhamu zitachukuliwa kwa yeyote atayebainika kukiuka misingi na taratibu hizi za chuo. ***Ikumbukwe msemaji mkuu wa chuo ni mkuu wa chuo***
- v. Mwanachuo haruhusiwi kutumia mitandao ya mawasiliano kinyume na sheria za mitandao zilizoweka na mamlaka husika (TCRA). Mwanachuo akibainika kufanya hivyo, hatua za kinidhamu na kisheria zitachukuliwa dhidi yake.

- vi. Mwanachuo hairuhusiwi kutembelea nyumba za wakufunzi bila kibali cha mkufunzi wa zamu na ofisi ya Uadili.
- vii. Wageni wa wanachuo wataruhusiwa kuwatembelea wanachuo siku ya Jumamosi au Jumapili kuanzia saa 5.00 asubuhi. Mwanachuo anapaswa kutoa taarifa za mgeni wake ofisi ya Uadili au mkufunzi wa zamu. Hairuhusi mgeni wa mwanachuo yeyote kupelekwa bwenini.
- viii. Mwanachuo haruhusiwi kuwabugudhi wanachuo wenzake kwa makelele ya aina yoyote ile.

Mwanachuo atakayebainika kutenda makosa yaliyobainishwa atachukuliwa hatua za kinidhamu.

10. Sheria za Nchi

- i. Kila mwanachuo ni lazima kuzitii na kuzifuata sheria za Nchi na alama za Taifa.
- ii. Ni kosa la kijinai kwa mwanachuo kughushi vyeti au kufanya udanganyifu mwingine unaokupa sifa za kitaaluma. ukibainika utaachichwa mafunzo na kushitakiwa mahakamani.
- iii. Ni kosa kwa mwanachuo kujihusisha na mambo ya siasa awapo chuoni. Hii ni kutokana na chuo kuwa taasisi ya serikali na hivyo hakifuati itikadi yoyote ya kisiasa.

Kila mwanachuo afahamu kuwa mwanachuo sio kigezo cha kutotii sheria za nchi.

16. Kwa mwanachuo ambaye ni mwajiliwa wa serikali chini ya masharti ya mtumishi wa umma (ualimu) TSD kanuni zinazo tawala maadili ya ualimu zitazingatiwa.

TAMKOLA MWANACHUO MHUSIKA

Mimi _____ nimezisoma sheria za chuo cha Ualimu Patandi na kuzielewa. Baada ya kuzisoma na kuzielewa, naahidi kuishi kwa kuzifuata kwa muda wote nitakaokaa hapa chuoni /nimeona nitashindwa kuziishi na kuzifuata sheria hizi na hivyo naomba kuahirisha mafunzo haya.

Tarehe _____ sahihi _____



Lucian .E. Segesela

MKUU WA CHUO

MKUU WA CHUO
CHUO CHA UALIMU PATANDI